

VENDIM
Nr. 628, datë 29.9.2014

PËR PËRCAKTIMIN E MEDALJEVE QË DO TË JEPEN ME RASTIN E
70 - VJETORIT TË ÇLIRIMIT TË VENDIT

Në mbështetje të nenit 100 të Kushtetutës, të pikës 2, të nenit 8, të ligjit nr.112/2013, “Për dekoratat, titujt e nderit, medaljet dhe titujt vendorë të nderit në Republikën e Shqipërisë”, dhe të vendimit nr.541, datë 7.8.2014, të Këshillit të Ministrave, “Për një shtesë fondi në buxhetin e vitit 2014, miratuar për disa institucione për festimet e 70 - Vjetorit të Çlirimit të Vendit”, me propozimin e ministrit të Mbrojtjes, Këshilli i Ministrave

VENDOSI:

1. Përcaktimin e medaljeve që do të jepen me rastin e 70 - Vjetorit të Çlirimit të Vendit, si më poshtë vijon:

a) “Medalja e mirënjohjes” të jepet për personat që kanë dhënë një kontribut të veçantë duke marrë pjesë në luftën për mbrojtjen e vendit në periudhën 7 prill 1939 - 29 nëntor 1944. Përcaktimet për “Medaljen e mirënjohjes” dhe forma e saj jepen në lidhjen nr.1, që i bashkëlidhet këtij vendimi dhe është pjesë përbërëse e tij.

b) “Medalja e nderit” të jepet për personelin e Forcave të Armatosura dhe personelin e Policisë së Shtetit për trimëri, guxim, për merita e shërbime të veçanta, kontribut të spikatur në detyrë, duke rrezikuar edhe jetën, dhe për merita të shquara në ushtrimin me përgjegjësi të detyrave. Përcaktimet për “Medaljen e nderit” dhe forma e saj jepen në lidhjen nr.2, që i bashkëlidhet këtij vendimi dhe është pjesë përbërëse e tij.

2. Dhënia e medaljeve shoqërohet me certi-fikatë, formati i së cilës është letër A4 (210 mm x 297 mm), 160 g/m², me fushë me stemën e institucionit, me kornizë me shirit anash.

Përcaktimet për certifikatën shoqëruese të medaljes dhe forma e saj jepen në lidhjet nr.3 dhe nr.4, që i bashkëlidhen këtij vendimi dhe janë pjesë përbërëse të tij.

3.Sasiapër“Medaljen e mirënjohjes”është1 000 (një mijë) copë, që jepen nga ministri i Mbrojtjes.

4. Sasia për “Medaljen e nderit” është 20 (njëzet) copë, gjithsej, nga të cilat10 (dhjetë) copë jepen nga ministri i Mbrojtjes dhe 10 (dhjetë) copë nga ministri i Punëve të Brendshme.

5. Efektet financiare, që rrjedhin nga zbatimi i këtij vendimi, përballohen nga buxheti i dhënë për Ministrinë e Mbrojtjes dhe Ministrinë e Punëve të Brendshme me vendimin nr.541, datë 7.8.2014, të Këshillit të Ministrave, “Për një shtesë fondi në buxhetin e vitit 2014, miratuar për disa institucione për festimet e 70 - Vjetorit të Çlirimit të Vendit”.

6. Ngarkohen ministri i Mbrojtjes dhe ministri i Punëve të Brendshme për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama

Lidhja nr. 1

SPECIFIKIMET TEKNIKE TË MEDALJES SË MIRËNJOHJES

Diametri: 40 mm;

Trashësia: 3 mm;

Materiali: Tunxh;

Teknika: Stampim (jo me derdhje);

Unaza: Horizontale me gjerësi 15 mm;

Sipërfaqja: Pasqyrë, ndërsa relievi i satinuar;

Shiriti: Methurje ngjyrë kuq e zi, me gjerësi 30 mm dhe gjatësi 60 cm, përbërja prej pambuku-poliester, i cili kapet me medaljen në pjesën e sipërme të saj.

Varja: Në qafë, me shirit me gjatësi 60 cm.

Modeli i medaljes: sipas skicës bashkëlidhur kësaj shkrese.

Kjo medalje do të jetë e shoqëruar me certifikatën e medaljes me letër kartoni ngjyrë krem i hapur me format A4.

Medalja do të jetë e vendosur në një kuti të veshur me kadife të kuqe, me hapje nga sipër, përmasat e të cilës do të jenë 120x90x30mm. Kutia nga brenda do të jetë me sfungjer, e mbuluar me atlas të bardhë.

Lidhja nr. 2

SPECIFIKIMET TEKNIKE TË MEDALJES SË NDERIT

Diametri: 30 mm;

Trashësia: 3 mm;

Materiali: Tunxh;

Teknika: Stampim (jo me derdhje);

Unaza lidhëse : 2 unaza me diametër 5 mm

Sipërfaqja: Pasqyrë, ndërsa relievi i satinuar;

Pjesa kapëse: Medalja do të kapet me një pllakë metalike tunxhi, në formë trapezi 5-këndor, me bazë nga sipër, nëpërmjet 2 unazave të cilat janë me diametër 5 mm dhe do të lidhin pllakën metalike me medaljen. Pjesa e përparme e pllakës metalike mbajtëse, do të ketë të stampuar tre shirita vertikalë, 2 të kuq me gjerësi 10 mm anash, dhe një shirit të zi me gjerësi 10 mm në mes. Në pjesën e pasme të pllakës mbajtëse, të jetë montuar mekanizmi i kapjes me karficë.

Këto medalje do të jenë të shoqëruara me certifikatën e medaljes, e cila është letër kartoni ngjyrë krem i hapur, me format A4.



REPUBLIKA E SHQIPËRISË
MINISTRIA E MBROJTJES

MINISTRI I MBROJTJES
I JEP

Grada/Z/Znj

MEDALJEN



.....
LLOJI I MEDALJES

PËR.....



REPUBLIKA E SHQIPËRISË
MINISTRIA E MBROJTJES

Dhënë me urdhrin nr. ___, datë __/__/__ të Ministrit të Mbrojtjes

Ministër





REPUBLIKA E SHQIPËRISË
MINISTRIA E PUNËVE TË BRENDSHME

MINISTRI I PUNËVE TË BRENDSHME
I JEP

Grada/Z/Znj

MEDALJEN

.....
LLOJI I MEDALJES

PËR.....
.....
.....

REPUBLIKA E SHQIPËRISË
MINISTRIA E PUNËVE

Dhënë me urdhrin nr. _____, datë ____/____/____ të
Ministrit të Punëve të Brendshme

Ministër



